

傷寒懸解

三

傷寒懸解卷五

昌邑黃元御坤載著

太陽經下篇 二十五章

太陽壞病結胸痞證

太陽之病不解於太陽而入陽明之府太陰之藏寒熱之偏勝危機伏藏是皆太陽之壞病也然悠忽失治離表傳裏俟其入於陽明而用承氣入於太陰而用四逆猶有救壞之方至於未成陽明下早而爲結胸將成太陰誤下而爲痞則陽明不成爲陽明太陰不成爲太陰承氣四逆方俱不可用是爲壞中之壞莫可救挽者也仲景於此變承氣四逆而爲陷

胸瀉心法挽逆爲順至德神功無以加矣

太陽壞病結胸痞證提綱一

太陽一百十

病發於陽者多入陽明而爲熱病發於陰者多入太陰而爲寒病發於陽俟其表證已解內熱既實而用下乃不爲早下早則表陽陷而爲結胸此陽明之壞病也病發於陰始終不可用下誤下則裏陰升而爲痞此太陰之壞病也

病發於陽而反下之熱入因作結胸病發於陰而反下之因作痞所以成結胸者以下之太早故也

承病有發熱惡寒者發於陽也無熱惡寒者發於陰也

在太陽首

篇病發於陽風傷衛也風傷衛氣遏逼營血而生內熱藏陰

衰者多傳於陽明當其經熱方盛法宜解表俟三表熱傳胃乃可攻下邪之內傳府熱未成胸熱先作以陽盛於上也熱未入府下之若早中氣受傷升降倒置胃土上逆膽木不得下行君相合邪刑剋肺金肺熱愈隆而皮毛不泄經絡之熱遂內入胸膈經府之氣兩相拒格鞭滿作痛是爲結胸病發於陰寒傷營也寒傷營血束閉衛氣而生外寒府陽弱者多傳於太陰誤下則脾陽下陷陰邪上填堵塞心下是謂痞證未下之前經熱非盛故下後原無熱入但痞滿不消久而鬱甚則生熱耳內傷脾虛之證往往心下痞滿誤投寒涼其痞愈甚卽此病也結胸上熱下寒而下寒不甚故用陷胸湯泄

上焦之濕熱痞證亦上熱下寒而下寒較重故用瀉心湯清

上而溫下結胸證惟陽明少陽有之以陽旺而生上熱也

陽明

上逆則少陽不降二氣鬱升膈塞逼皮毛不泄故經熱內入

痞證惟太陰有之以陰旺而

生下寒也結胸因於下早痞證因於誤下大不同也

結胸痞證總因

胃氣不舒甲木上逆但有陰陽之分

太陽壞病結胸證 十二章

結胸者異日之陽明今日下早而成者也胃府燥熱汗亡其陰則成陽明胸膈濕熱下陷其陽則成結胸若遲延數日溼被燥奪表寒已解府熱既實一下而愈何至於此故太陽而見陽明之證宜遲遲而用承氣勿匆匆而用陷胸蓋結胸乃

陽明之壞病也陽明之病在腹結胸之病在胸承氣泄下焦之燥熱陷胸泄上焦之濕熱高下不同燥濕亦異也

太陽壞病結胸大陷胸證一

太陽百十一

太陽病脈浮而動數浮則爲風數則爲熱動則爲痛數則爲虛頭痛發熱微盜汗出而反惡寒者表未解也醫反下之動數變遲膈內拒痛胃中空虛客氣動膈短氣煩躁心中懊憹陽氣內陷心下因鞭則爲結胸大陷胸湯主之若不結胸但頭汗出餘處無汗劑頸而還小便不利者身必發黃也

太陽病脈浮而兼動數浮則爲表中於風數則爲營鬱發熱動則爲經氣莫泄鬱迫而生疼痛數從浮見尙非內實是以

曰虛其證頭痛發熱微盜汗出而反惡寒者表邪未解故也
醫不解表而反下之動數之脈變而爲遲則胃氣敗矣陽敗
胃逆破膽木降路逆衝胸膈膽胃相拒則膈內疼痛甲木下
行化相火而歸癸水相火在水是爲下焦主氣今陽敗胃虛
甲木逆行以下焦主氣客居膈上衝動不已此拒痛所由來
也心肺之脈以下降爲順胃膽逆阻心肺莫降相火上炎助
君火而刑辛金則煩躁懊懣氣短胸盈膈熱鬱發皮毛不開
經中陽氣亦遂內陷經府之熱彼此壅塞心中堅凝是爲結
胸肺金鬱遏霧氣滯蒸津液淤濁化生痰涎大陷胸湯銷黃
清其鬱熱甘遂決其痰飲胸中邪熱推蕩無餘矣若其不成

結胸但頭上汗出餘處無汗劑頸而還下見小便不利者是
苦寒泄其脾胃濕氣內鬱而無降路身必發黃也表熱傳胃
則爲陽明證陽明有陽而無陰故病燥熱表熱入膈則爲結
胸證結胸上陽而下陰故病濕熱藏氣發舒則津液流溢藏
氣壅塞則痰涎凝結無二理也

按大陷胸證表陽卽陷而經邪未解是宜內清胸膈之熱外
解皮毛之邪使上鬱之裏熱固自裏散內陷之表陽還從表
出仲景用大陷胸湯但泄上焦濕熱而不用表藥是救急之
法此處尙可變通愚意用石膏甘遂枳實麻黃雙解表裏得
仲景法外之意矣 程氏曰結胸證用枳實理中丸甚效欲

破其結而軟其堅則黃芩苦蘘牡蠣爲佳

大陷胸湯 四十二

大黃

六兩芒硝一分甘遂一分

右三味以水六升先煮大黃取二升去滓內芒硝煮一二沸內甘遂末溫服一升得快利止後服

大陷胸證二

太陽百十二

傷寒六七日結胸熱實脈沉而緊心下痛按之石鞭者大陷胸

湯主之

傷寒六七日後結胸而脰熱內實心下滿痛按之如石之鞭者是真大陷胸證也結胸之脈寸浮而關沉後章寸脈浮關

脈沉名曰結胸是也脈沉而緊指關上言抵當湯證脈微而沉反不結胸蓋結胸之脈關上必沉也後章小結胸病正在心下脈浮滑者太陽病下之脈浮者必結胸也皆指寸脈言

大陷胸證三

太陽百十三

太陽病重發汗而復下之不大便五六日舌上燥而渴日晡時小有潮熱從心下至少腹鞭滿而痛不可近者大陷胸湯主之結胸證攻下後下寒逼熱在上病但在胸不至少腹此從心下至於少腹鞭滿而痛是結胸而兼陽明府病也合之舌上燥渴日晡潮熱全是胃府燥熱但小有潮熱府邪尙輕故用陷胸而不用承氣也

大陷胸丸證四 太陽百十四

結胸者項亦強如柔瘕狀下之則和宜大陷胸丸

胸膈痞塞濕熱薰衝俯則甚痛故項常反折狀如柔瘕大陷胸丸硝黃蕩其結熱杏仁破其滯氣葶藶泄其水飲變湯爲圓病連項頸恐湯之速下也

大陷胸丸 四十三

大黃 半斤 芒硝 半斤 葶藶 半升 杏仁 半升
熬 皮熬

右四味搗篩二味內杏仁芒硝合研如脂合散取如彈丸一攸別搗甘遂末一錢匕白蜜二合水二升煮取一升溫頓服之一宿乃下如不下更服取下爲效禁如藥法

結胸忌下證五

太陽百十五

結胸證其脈浮大者不可下下之則死

結胸之脈寸浮關沉寸浮則上熱關沉則中寒上熱甚而中寒不甚則浮多而沉少是以可下若其脈浮大絕無沉意是非無中寒也乃中寒之極陽氣全格於上是以但見浮大而不見其沉下之中氣敗竭必死無疑也結胸可以下愈者下焦之陽未至絕根故推盪其上鬱之陽使之通達於下以接下焦之根是以愈也其脈浮大則陽已絕根於下是中虛外寒之診下之所以速其死也

結胸煩燥證六

太陽一百十六

結胸證悉具煩躁者亦死

遷延日久結胸證無一不具若見煩躁則熱極矣上熱極者下寒必極如是者雖不下而亦死非死於上熱非死於下寒乃死於中氣之敗也

小結胸證七

太陽一百七

小結胸病正在心下按之則痛脈浮滑者小陷胸湯主之

小結胸病正在心下位與大結胸同但按之則痛未如大結胸之不按亦痛也脈則浮滑亦不如大結胸之寸浮關沉白虎湯證脈浮滑者此裏有熱表有寒也此雖不如大結胸之熱實而亦有裏熱較之大結胸證同而病輕小陷胸湯黃連

泄熱半夏降逆而滌飲苦萆清金而去垢是即大陷胸之制
變而從輕者也

小陷胸湯 四十四

黃連 兩半 夏 半升 洗 苦萆實 大者一枚

右三味以水六升先煮苦萆實內諸藥煮取三升去滓分溫三服

藏結證八 太陽百十八

問曰病有結胸有藏結其狀何如答曰按之痛寸脈浮關脈沉
名曰結胸也何謂藏結答曰如結胸狀飲食如故時時下利寸
脈浮關脈細小沉緊名曰藏結舌上白胎滑者難治

結胸證不按亦痛前章膈內拒痛從心下至小腹鞭滿而痛心下不按亦痛也此曰按之痛者按之則痛劇耳寸脈浮者膈上有熱也關脈沉者腹中寒也藏結如結胸狀病因陰邪逆衝卽太陰之心下結鞭而上無熱者也其脈寸浮關沉亦與結胸無異加以脈小細緊則陰邪獨結而無陽也關主中焦人之衛氣出於下焦升清陽於濁陰者中焦也宗氣出於上焦降濁陰於清陽者中焦也今關脈細小沉緊則積寒內結有陰無陽是謂死陰故名藏結心竅於舌白胎滑者心火敗而肺津凝也金性收斂得火以溫之則霧氣飄灑而不凝所謂相剋而實相成也火衰則肺氣不布而津液鬱濁膠塞

心宮故舌上胎生滑者氣滯而津凝也土燥則津枯而黃澀
金濕則液凝而白滑寒熱之分也舌胎白滑火敗金鬱是以
難治

藏結證九 太陽百十九

病脇下素有痞連在臍傍痛引少腹人陰筋者此名藏結死
肝脈行於兩脇素有痞者肝氣之鬱結也臍當脾胃之交中
氣所在脇下之痞連在臍傍土敗木鬱肝邪之乘脾也肝土
筋自少腹而絡陰器前陰者宗筋之聚肝氣鬱結則痛引少
腹而人陰筋土木鬱迫痞塞不開此名藏結久而木賊土崩
必至死矣

藏結證十 太陽百二十一

藏結無陽證不往來寒熱其人反靜舌上胎滑者不可攻也

藏結之證陰盛則寒陽復則熱寒爲死機熱則生兆陰陽相
爭多見煩躁復之過者邪熱如焚亦有下證若絕無陽證不
往來寒熱其人反靜_{或上}胎滑者是爲絕陰不可攻也肝膽
同氣寒熱往來而生_或有膽木之陽復也寒熱不作而反靜
者肝木之陰勝也

結胸脈法十一

太陽百二十一

太陽病下之其脈促不結胸者此爲欲解也脈浮者必結胸也
脈緊者必咽痛脈弦者必兩脇拘急脈細數者頭痛未止脈沉